

Bosna i Hercegovina
Federacija Bosne i Hercegovine
Tuzlanski Kanton
Ministarstvo trgovine, turizma i saobraćaja
Kantonalna direkcija robnih rezervi

Broj: 05-1/1-25-3417-10/22
Tuzla, 06.06.2022.

Na osnovu člana 69. stav (2) tačka d) i člana 70. stav (1) Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14), direktor Kantonalne direkcije robnih rezervi donosi:

ODLUKU
o poništenju postupka javne nabavke brašna

I

Poništava se u cjelosti postupak javne nabavke pokrenut od strane Kantonalne direkcije robnih rezervi Odlukom broj: 05/1-1-25-3417/22 od 18.02.2022. godine za kupovinu, skladištenje i znavljanje brašna, procijenjene vrijednosti robe bez PDV-a 517.094,70 KM, odnosno 605.000,80 KM sa PDV-om i procijenjene vrijednosti skladištenja i znavljanja bez PDV-a 48.000,00 KM odnosno 56.160,00 KM sa PDV-om, putem otvorenog postupka, jer izabrani ponuđač nije u roku dostavio garanciju za uredno izvršenje ugovora.

II

Ova Odluka stupa na snagu danom donošenja i objavit će se na web-stranici www.vladatk.kim.ba istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

U okviru predmetne nabavke, u ostavljenom roku za dostavljanje ponuda, pristigla je jedna ponuda ponuđača Klas d.d. Sarajevo.

Komisija za javnu nabavku je izvršila otvaranje ponuda dana 11.04.2022. godine. Nakon toga pristupilo se vrednovanju istih.

Prilikom vrednovanja, Komisija je ustanovila da ponuđač Klas d.d. Sarajevo ispunjava sve uslove iz tenderske dokumentacije i da je stoga ponuda prihvatljive.

Dana 05.05.2022. godine ugovorni organ je donio Odluku o izboru najpovoljnijeg ponuđača broj: 05-1/1-25-3417-8/22 i istu proslijedio ponuđaču. Nakon isteka žalbenog roka, dana 24.05.2022. godine potpisan je Ugovor o nabavci brašna za potrebe Kantonalne direkcije robnih rezervi Tuzlanskog kantona. Član 18. Ugovora nalaže da je ponuđač (prodavac) obavezan dostaviti ugovornom organu (kupcu) bezuslovnu bankarsku garanciju za dobro izvršenje posla, odnosno ugovora u roku od 7 (sedam) dana od dana obostranog potpisivanja ugovora. U slučaju da ponuđač (prodavac) propusti dostaviti garanciju za uredno izvršenje ugovora, zaključeni ugovor smatra se apsolutno ništavnim.

Kako ponuđač Klas d.d. Sarajevo nije dostavio garanciju za uredno izvršenje ugovora u datom roku, Ugovor se smatra ništavnim i postupak javne nabavke brašna se poništava.

Ugovorni organ će poništiti postupak, kao što je odlučeno u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Direktor

Almir Zilić, dipl. ecc.

Dostaviti:

1. Klas d.d. Sarajevo
2. a/a